

Alkòl — Ki sa w ap fè?



1

Pandan w nan yon fèt, ou rann ou kont, pami moun ki la yo, gen kèk moun ki pa ta sipoze bwè alkòl k ap fè sa.

Ki sa w ap fè?

**FÈ
YON TI
REFLECHI!**

BIB LA DI: “Moun ki gen lespri a wè danje a, li kache, men, moun ki pa gen eksperyans lan kontinye ale tou dwat e li peye sa.”
— Pwovèb 22:3.

Pandan w ap panse ak vèsè sa a, reponn kesyon ki vin apre yo.

Ki sa k gendwa rive si w ret nan fèt la?

Ki jan w ka kite fèt la san w pa kreye pwoblèm e san yo pa pase w nan rizib?

Èske lè yo pase w nan rizib se *pi move* bagay ki te ka rive w?

KONSÈY

Planifye alavans ak paran w pou w rele yo oswa voye yon mesaj ba yo si w vle kite fèt la bonè.



Sa m ap fè si m nan yon fèt kote y ap mal sèvi ak alkòl:



Si yon moun ap eseye fòse w bwè.

Ki sa w ap fè?

FÈ YON TI REFLECHI!

BIB LA DI: 'Nou se esklav moun nou obeyi a.' — Women 6:16.

**Pandan w ap panse ak vèsè sa a,
reponn kesyon ki vin apre yo.**

Ki sa k ka rive si w pa bay yon repons ki fèm?

Lè w gen konfyans nan tèt ou ki jan sa ka ede w
reziste anba presyon lòt jèn ap fè sou ou?

KONSÈY

Depi alavans, prepare sa w te ka di. "An jeneral m toujou di 'non, pa kounye a.' Sa fè yo kite m trankil e byen souvan, yo pa konn mande m sa ankò." — Brianna.

Sa m ap di si yon moun ap eseye fè
presyon sou mwen pou m bwè alkòl:

3

Ou soti ak kèk zanmi epi w rann ou kont moun k ap kondui a te bwè alkòl.

Ki sa w ap fè?



**FÈ
YON TI
REFLECHI!**

BIB LA DI: “Moun ki mache ak moun ki gen sajès ap vin gen sajès, men, moun ki annafè ak moun ki sòt, sa ap mal pou li.”
— Pwovèb 13:20.

Pandan w ap panse ak vèsè sa a, reponn kesyon ki vin apre yo.

Ki sa k ka rive si w kite moun sa a mennen w lakay ou?

Ki lòt opsyon w genyen?

Ki jan aksyon w fè yo gendwa ede moun k ap kondui a ak lòt moun?

KONSÈY

Evite sikonstans ki ka fè w vin nan menm machin ak yon chofè moun gen dout sou repitasyon l. Toujou planifye pou w gen yon lòt opsyon kòm mwayen transpò.



Sa m ap fè si moun k ap kondui a te bwè alkòl:
